




Ս. ԳԵՂԱՐԴԱ ՎԱՆՔԸ ՀԻՄՆՈՎԻՆ ՎԵՐԱՆՈՐՈԳՎԱԾ

ԺԳ դարը ծանր երկունքով է՝ սկսվում հայ ժողովրդի և Հայաստանյայց Եկեղեցու համար:


Հագիվ էր մեր երկիրը ազատվել սելջուկյան կործանարար արշավանքների մղձավանջից, կարճ դադարից հետո սկսվեցին մոնղոլական մահաբեր արշավանքները, որոնք ոչ միայն մեր երկրի առաջընթացը կանգնեցրին, այլև խաղաղության ծարավի մեր ժողովրդին, քանիեքորդ անգամ լինելով, Գողգոթա բարձրացրին՝ խաչելու համար: Ֆիզիկապես բնաջնջվող հայ ժողովրդին անհնար եղավ պարտադրել մահ մտավոր մահվան, և պատահական չէ, որ ԺԲ դարի վերջում և ԺԳ դարի սկզբում Հյուսիսային Հայաստանի և Հայոց Արևելից կողմանքի միավորմամբ ստեղծված վարչա-քաղաքական իշխանությունը, Զաքարյան իշխանական գայիսունի ներքո, նոր թափ հաղորդեց հայ մշակութային կյանքին և հատկապես հայ ճարտարապետությանը:

ԺԳ դարի առաջին կեսից սկսած Հայաստանի ողջ տարածքով մեկ նորից լրսվեց հայ շինարար ու կառուցող վարպետի մորճի հուժկու զնգոցը: Հայաստանի բոլոր շրջաններում, առանց քաղաքության, սկսվեց կառուցողական մի եռուզեռ: Կառուցվում էին քաղաքացիական, զինվորական շինություններ, ինչպիսին էին Ամբերդի ամրոցը, Սանահնի կամուրջը, Թալինի


և Սելիմի լեռնանցքի իջևան-քարվանսարանները:

Այս շրջանում մի նոր մակարդակի է բարձրանում եկեղեցաշինությունը: ԺԳ դարի ժամանակահատվածին են վերաբերվում Սանահնի Ամենափրկիչ եկեղեցու նախագավիթը (1211 թ.), Հաղպատի Ս. Նշան եկեղեցու գավիթը (1216 թ.), նույն վանքի մեծ ժամատունը (1257 թ.), Կեչառիսի Կաթողիկե եկեղեցին (1214 թ.): Հաղարծնի համալիրում Ս. Ստեփանոս եկեղեցին (1244 թ.) և նույն վանքի սեղանատունը (1248 թ.), որը համարվում է հայ միջնադարյան աշխարհիկ ճարտարապետության գլուխգործոցներից: Նույն ժամանակահատվածին են վերաբերվում նաև Հատիճա հովակերտ վանքը իր ժամատնով (1201 թ.), Հովհաննավանքը, Մակարավանքը, Գոշավանքը, Ամաղուի Նորավանքը և վերջապես՝ դարի ճարտարապետական հրաշքներից մեկը հանդիսացող Ս. Գեղարդա կամ Այրից վանքը, որը հայ եկեղեցական ճարտարապետության եզակի նմուշներից է:


Մատենագրական տվյալների համաձայն, նշանավոր այս մեհաստանը հիմնադրվել է Ս. Գրիգոր Լուսավորչի կողմից, «Հաստատեալ ի Սբ. Լուսավորչէն» և եղել է «Կացուրդ Սրբոյն ի Սահակայ» (Հովհաննես կաթողիկոս Դրասխանակերտցի, Ժ դար): Վանքը հնում կոչվել է Այրից վանք՝ նույն տեղում եղած քարայրային շինու-



Ս. ԳԵՂԱՐՈՒՆԱ ՎԱՆՔԻ ՀԱՄԱՅՆԱՊԱՏԿԵՐԸ (1980 թ.)



Ս. ԳԵՂԱՐԴԱ ՎԱՆՔԻ ՏԱՃԱՐԳ՝ ՎԵՐԱՆՈՐՈԳՎԱԾ ԳՄԲԵԹՈՎ (1980 թ.)



թյունների պատճառով: ԺԳ դարից կոչվել է Գեղարդա վանք՝ երկար դարեր խնամքով այնտեղ պահված համանուն սրբության անունով:

Ս. Գեղարդա վանքի ճարտարապետական համալիրը, վերգետնյա և ծալտափոր հանրահայտ սրբավայրերով, դասվում է հայ մշակույթի ամենամեծահասակից ստեղծագործությունների շարքը: Համաշխարհային ճանաչման արժանացած շատ ճարտարապետական կոթողներ ստեղծող հայ ճարտարապետի միտքը այստեղ, Ս. Գեղարդա վանքում, թափանցել է ծալտների խորքը, ստեղծելով ճարտարապետական մի համալիր, որտեղ հանճարեղ Գալձակն ու մյուս անանուն ճարտարապետները հիմնադրում են կարողացել են օգտագործել նաև շրջապատող լեռնային գեղեցիկ բնությունը և դրանով իսկ հասել գեղարվեստական բարձր արտահայտչականության: Հռչակավոր այս մենաստանը, բացի աղոթքի և ուխտի վայր լինելուց, եղել է նաև մշակույթի ու դպրության կարևոր կենտրոն: Նվաճողների հերթափոխվող արշավանքները, իրար գերազանցող վայրագություններով, հսկայական հոգևոր մշակույթ ոչընչացրին մեր աշխարհում: Կողոպտված մեր վանքերի շարքում բացառություն չէր նաև Ս. Գեղարդա վանքը, որը համարվում էր «Ակիզբն և Մայր Վանորէից»: Այստեղ են կրթվել և գործել այնպիսի նվիրական անուններ, ինչպիսիք են Գրիգոր Գոգիկ ու Ստեփանոս Գառնեցի վարդապետները (Ը դար), Հովհաննես Գառնեցին, Միխայր Այրիվանեցին (ԺԳ դար), Սիմեոն Բաբունասյան, Ստեփանոս Առնեցցին (ԺԵ դար) և ուրիշ վարդապետներ:

Հայոց աշխարհի դրախտանման մի անկյունում հրաշակերտված մեծահոգև աշխատանքներ կառուցվել է 1215—1288 թթ. ընկած ժամանակաշրջանում, տեղական լավորակ, կարծր բազալտ քարից: Կառուցված է խաչաձև, առանց սյուների, չորս միանման և միակցորդ որմնասյուներով, ամեն մի որմնասյունը եռակարգ հատվածաձև բաժանված: Գեղեցիկ կամարների վրա բարձրանում է սրածայր կաթողիկեն: Տաճարի հարավային մուտքի վերևում տեղադրված արձանագրություններից իմանում ենք, որ վերջին ճորգումները Ս. Գեղարդա վանքում վերաբերվել են ԺԷ և ԺԺ դարերին:

Թիֆլիսաբնակ մեծահարուստ Չիթաղյան Սուլի ծախքով 1655 թ. ճորգվում է վանքի կաթողիկեն. «Կամաւն Աստուծոյ եւ Սուլէ որդի Թաղայի յազգէ Զիթաղեան, քաղաքէն Թիֆլիսու ճորգեցի զկաթողիկէս յիշատակ ինձ և Թաղային և Բէկի Սուլա-

նին և ամուսնոյն իմոյ Դարեջանին և որդւոյն իմոյ Ստեփաննոսին, եղբարցն իմոց Զայիին և Զարապին և ամուսնոյն իմոյ Գինադն և որդոյ Թաղայի և հանգուցելոցն ի Բրիստոս Պապան և Կախեցի արծաթէ կանթեղս Սուրբ Գեղարդին և ետու զխարճ նորա համապագ վառ պահեսցեն» ԹՎ. ՌՇԴ (1655 թ.)¹:

24 տարի դիմացավ կաթողիկեի ճորգումը, քանի որ 1679 թ. երկրաշարժը շատ բան հողին հավասարեցրեց մեր աշխարհում:

Տ. Գարեգին Ա կաթողիկոս Հովսեփյանը իր «Խաղբակեանք կամ Պոռշեանք Հայոց պատմութեան մէջ» հանրածանոթ գրքում, օգտվելով Նոր Բայազետի եկեղեցում պահվող ձեռագիր Ավետարաններից մեկի հիշատակարանից, մեջ է բերում ականատես եկեղեցական հաստատումը 1679 թ. մեծ երկրաշարժի պատճառով վնասների մասին, որոնք հատկապես վերաբերվում են Գառնու ձորում գտնվող վանքերին. «Գեղարդի վանքն եւ Ախշոց վանքն եւ Ամենափրկչի վանքն (Հատուց թառ) և Տրդատայ թախտըն եւ Նոր Վիրապայ Աստուածածնայ եկեղեցին հիմնադրանակ աւերեցան»²: Վանքի նախանձախնդիր միաբանությունը, այնուամենայնիվ, կարողանում է մի կերպ բարվոք փրկել բերել հաստատությունը մեծ շարժից հետո, մինչև որ 1855 թ. հնարավորություն է ստեղծվում տաճարի և ժամատան տանիքները վերանորոգելու:

1855 թ. վերանորոգման պատիվը պատկանում է նույն վանքի վանահայր Միքայել վարդապետ Զամոյանց Տփիսիսեցուն. «Ընորհիւ ամենագորին Աստուծոյ երրորդ անգամ ճորգեցան տանիքս Այդի վանիցս Սուրբ Գեղարդայ հանդերձ երկրքումք զմեթիւք, տրօք լուսաւորչական Հայոց ժողովրդականաց և բազմաջան աշխատութեամբ վանահօր Միքայէլ վարդապետ Զամոյեանց Տփիսիսեցոյ, որ և գնեաց յօգուտ վանիցս, իւրով սեփականութեամբ զԳողդ գիւղն ընդ միոյ ջրաղացի, թուին հայոց ՌԶԵ, յամի տեառն 1855»:

Զնայած 1855 թվականի ճորգումից անցել էր ընդամենը մեկ հարյուրամյակ, բայց ժամանակը իր քայքայիչ ու կործանարար գործը կատարել էր հայ մարդու ձեռքով հրաշակերտած ճարտարապետական այդ կոթողի նկատմամբ:

¹ Նորոգումներին վերաբերվող այս և հաջորդ արձանագրությունները վերգրել ենք Ս. Գեղարդա վանքի հարավ-արևելյան մուտքի պատի վրայից:

² Տես Գարեգին կթ. Յովսեփյան, Խաղբակեանք կամ Պոռշեանք Հայոց պատմութեան մէջ, Անթիլիաս, 1969, էջ 137:

Համաժողովրդական հոչակ վայելող այս սրբավայրը չէր կարող վրիպել ազգիս նոր- ընտիր Հայրապետի ուշադրությունից: Ահա թե այդ մասին ինչ է գրում Նորին Սրբու- թյուն Տ. Տ. Վազգեն Ա կաթողիկոսը Իր անդրանիկ ծրագրային կոնդակում. «Պիտի տքնինք ապա վերանորոգելու մեր հայրենի սրբավայրերը՝ վանքեր ու եկեղեցիներ, ինչ- պիսիքն են Ս. Հովհաննեսն, Ս. Գալանեն, Խոր վիրապը, Օշականը, Գեղարդը և ու- րիշներ, որոնք մեր հոգևոր կյանքի սյունե- րը կհանդիսանան ու հոչակված տաճար- ները աղոթքի և ուխտի, և զմայելի հու- շարձանները հայ ճարտարապետության փառքի»:

Ս. Գեղարդա վանքի հիմնական նորոգ- ման աշխատանքները, սակայն, հնարավոր չեղան անմիջապես և միանգամից սկսելու:

Հաշվի առնելով 1855 թվականի նորոգ- ման ժամանակ հարթ ծածկասալերի խար- խըրված վիճակը, անհրաժեշտ եղան հրա- տապ, մինչև արմատական վերանորոգում- ները, ժամանակավորապես թիթեղապատել կաթոլիկե եկեղեցու և գալթի տանիքը, որ պահպանեց սրբավայրը հետագա քա- յայումից: Ցինկապատ թիթեղը իր շլացուցիչ փայլով անհարիր էր ամբողջությամբ քա- րային հորինվածք ունեցող տաճարին և խանգարում էր նրա ճարտարապետական կերպարի ճիշտ ընկալմանը:

1960-ական թվականներին Վեհափառ Հայրապետի պատվերով Մայր Աթոռի ճար- տարապետների հանձնաժողովը պատրաս- տեց Ս. Գեղարդա վանքի վերանորոգման նախագիծը, որից հետո աստիճանաբար հնարավոր եղավ իրականություն դարձնել Նորին Սրբության ցանկություններից մե- կը ևս, այն է՝ հիմնովին վերանորոգված տեսնելու հոգևոր ու պատմական փառա- վոր անցյալ ունեցող Ս. Գեղարդա վանքը:

Տաճարին սպառնում էին և՛ անձրևաջրե- րը, և՛ ստորգետնյա ջրերը, որոնց առկա- յությունը, ինչպես ցույց տվեցին նախնա- կան գիտական ուսումնասիրությունները, Ս. Գեղարդա վանքի շրջանում բավական առատ էին: Հարկ եղավ հատուկ նախագծի պատրաստմամբ 99 մետր գետնուղի փորել, գտնել ջրաբեր բոլոր երակները, հատուկ միջոցներով հեռացնել դրանք, որոնք մըշ- տապես ներծծվում էին ժայռափոր տաճար- ների պատերից ներս և վտանգում նրանց հետագա գոյությունը: Ընդհատված աղ- կառույցի, հնարավոր եղավ վերջնա-

կանապես Ս. Գեղարդա վանքի ողջ համա- լիրը ձերբազատել ներքին խոնավությունից:

1978—80 թվականների ընթացքում լրիվ փոխվեցին եկեղեցու և ժամատան տանիք- ների ծածկասալերը, պահպանելով նախկին ձևերն ու տեսքը: Տաճարի գմբեթը ծածկը- վեց հարթ սալերով, հիմք ընդունելով զմ- բեթի վրա պահպանված 20 սմ լայնքի ժայռավեճան հին գոտին: Քայքայված տուֆածածկ գմբեթի քարերը փոխվեցին բազալտով, շուրջ 90 քմ մակերեսով, որը նոր տեսք տվեց երկնալաց գմբեթին: Ե- կեղեցու և ժամատան հարթ տուֆածածկը փոխարինվեց նույնպես բազալտե ծածկա- սալերով, շուրջ 600 քմ: Հիմնովին փոխվե- ցին ժամատան ջրհորդանները բազալտե ձևավոր քարերով՝ շուրջ 35 քմ³:

Այս տարի տեղադրվեցին քանդակազարդ նոր դռները եկեղեցու մուտքի և ժամատան մուտքի, նախագծերովը ճարտարապետ Արծրուն Գալիկյանի և նկարիչ Գրիգոր Խանջյանի:

Հարավից, արևելքից և արևմուտքից Ս. Գեղարդա վանքը շրջափակված է զանա- զան տնտեսական և օժանդակ կառույցնե- րով, որոնք նույնպես վերանորոգվեցին և բարեկարգվեցին: Այդ տնտեսական և օ- ժանդակ կառույցները գալիս են պատմա- կան անցյալից և տաճարի հետ միասին, որպես մի ճարտարապետական համալիր, առանձնահատուկ տեղ են գրավում Հա- յաստանում:

Իրականացվեց նաև վանքի ամբողջ բա- կի ապահատակումը: Միաբանական նախ- կին խցերը վերակառուցվեցին ժամանակա- կից պահանջներին համապատասխան:

Այսօր արդեն ամբողջապես իրականաց- վել են Ս. Գեղարդա վանքի ողջ համալիրի վերանորոգման աշխատանքները, որոնք նոր հմայք տվեցին հիմնավորց մեհաստա- նին: Վերանորոգված Ս. Գեղարդա պատ- մական սրբավայրը գալիք դարերին է հանձնվում որպես հայ կառուցողական մտքի հաղթանակներից մեկը:

ԵՂԻՇԵՔԷՆ. ՍԱՐԳՍՅԱՆ
վանահայր Ս. Գեղարդա վանքի

³ Հողվածը պատրաստելիս գործնական ու մաս- նագիտական օգնություն է ցույց տվել Մայր Աթոռի գլխավոր ճարտարապետ Արծրուն Գալիկյանը, որին շնորհակալություն ենք հայտնում:



Ս, ԳԵՂԱՐԴԱ ՎԱՆՔԻ ՏԱԺԱՐԻ ՔԱՆԴԱԿԱԶԱՐԻ ՆՈՐ ԴՈՒՈԸ (1980 թ.)